

蕙

風

詞

蕙風詞卷上

臨桂

齊天樂

秋雨

沈郎已自拌顚顚驚心又聞秋雨做冷欺燈將愁續
夢越是宵深難住千絲萬縷更攙入蟲聲攪人情緒
一片蕭騷細聽不是故園樹沈沈更漏漸咽只欄
前鐵馬幽怨如訴儻是殘春明朝怕有無數飛花飛
絮天涯倦旅記滴向篷窗更加淒苦欲譜瀟湘黯愁
生玉柱

南浦

六月二十八日葦灣觀荷同幼遐前輩

幽路入花天。開紅深。恰其中仙。乘興花外。小紅亭無人到。亭外綠陰千頃。疏煙澹日。木蘭愁絕。餘香凝惜。起青黃。顚顚葉。曾其嫋嫋。窺影無邊。香色年年算。鴛鴦慣識。枝交蒂並。年少冶游。心飄零後。禁得萬蟬。淒哽歡娛。謾省碧雲日暮。頗黎冷十二迴闌。腸斷處。依約凌波來凭。

臨江仙

前詞意有未盡再呈幼遐前輩

正是撩人天氣也可憐雲澹煙輕闌紅深處見娉婷
花光人影分占十分清畫裏歸來愁亦好何須夜
飲秦箏他年記取小紅亭小紅亭外高柳萬蟬聲

鶯囀序

葦灣之游與半唐老人一再酬和意仍未盡
復拈此解清游難得不覺言之鄭重也

輕陰半湖翠罨想臨妝媚嫵鏡匳遠一抹愁痕闌紅
誰在深處謾幽憩銀箋按拍指幼丈涼蟬喚入花閒
去甚香風別樣溫柔澹搖洲渚故故來遲傍柳畫
舸似淩波未許翠隄外人各天涯曲闌應向凝伫只

娉婷紅衣倒影記愁絕中仙說與露房擎青子離離
爲誰心苦 菱花自小葦葉長愁紫萍是墜絮問併
作幾多紅怨畫裏回首卻又盈盈未開剛吐芳塵去
後蘅皋悽斷非花非霧情何極錦鱗多恨字難分付
涼雲十里鴛鴦不是催歸有人玉羈愁駐 逢花最
惜見說爲花便有花暗妒向此際揭天絲管踈地簾
櫳一任微波鑒人幽愫風裊水佩羅衣紈扇年年花
好人暗老望蓬山腸斷花知否蹋搖細漿聲中路入
疏煙似 去聞怨語

念奴嬌

憶南湖舊游用朱小岑先生 依真 漂帛塘觀

荷韻

長卿游倦恰年時
畫裏都是愁中湖
上大堤堤上路
天涯見說能通流水
三生淩波一霎嬌
呵隔香紅垂
楊踈地那時亭北
闌東誰念芳字題殘
紅牙拍遍
換羽更移宮目送橫塘
天樣闊香霧何事惺忪
一葉
顰秋萬花妝晚腸斷到
東風鶯鶯在否夢雲猶帶疏
鐘

高陽臺

舊苑鴉寒荒皋雁瘦
吳霜正染青袍
載酒江湖十年

言一
三
吹斷瓊簫玉梅花下相思路算而今不隔三橋怨良
宵滿目繁華滿目蕭條紅箋枉費珍珠字甚江關
詞賦不抵金貂門外垂楊要他來繫征橈金尊自倒
休教勸怕天涯回首魂消碧迢迢玉宇瓊樓絳鶴難
招

永遇樂

吳坊本事和漱玉

慘碧山塘畫船只在消淚多處坐柳移尊凭梅駐筵
相見應暫許紅羅嫌窄金鈴愁重底是妒花風雨最
惆悵驚鴻散後夢雲更迷春侶可憐昨夜畫樓西

畔望斷星點三五鈿小花羞匿低月怨歌態誰楚楚
頰鱗難託紅蠶更縛可奈杜鵑催去江南客傷心弟
一四絃倦語

法曲獻仙音

金閨寒夜和夢窗

殘月闌尊凍雲沈簾況是天涯庭院燭淚紅深枕縣
香薄傷心蠶譙清點伴夢短梅花冷么禽語春怨
玉容遠也應憐杜郎落拓悲錦瑟絃柱暗驚淚染宛
轉碧淞潮共垂楊縈恨難翦鳳紙題殘奈雲邊珠佩
聲斷拌塵消鬢綠萬一跨鸞低見

減字浣溪沙

綵勝釵頭故故斜垂楊深巷泰娘家惜花人更瘦於
花 眉黛可憐虛夜月臉紅從此斷朝霞傷心一語
抵天涯

早梅芳近

海棠春芙蓉晚特地明妝換銀鸚呼酒拌去得相思
更相見坐慵鬟翠重笑怯眉青淺近尊前小立無語
杏衫薄 紫鸞簫丹鳳珣金粉江南怨仙山樓閣不
抵人閒繡簾遠瘦花鶯易妒倦柳驄難戀醉扶歸鶻
鵲殘月滿

減字浣溪沙

重到長安景不殊
傷心料理舊琴書
自然傷感強歡
娛
十二迴闌凭欲徧
海棠渾似故人姝
海棠知我
斷腸無

鳳栖梧

過香鑪營故居

記得天涯揮手去
夢逐征鴻繞徧東華路
梁燕可知
人在否
相逢也莫淒涼語
淚眼更看門外樹
欲斷
無腸
苦恨香驄誤
最是不堪回首處
鳳城西去
棠梨
雨

菩薩蠻

五更纔得朦朧睡夢中多少傷心事殘月亂啼烏夢
回鐘動無鴛衾空復煖魂共鑪煙斷何日是歡期
他生重見時

青山涇徧

五月二十四日宣武門西廣西義園旣亡兒
小羊墓是日爲亡姬桐娟生日

空山獨立年時此日笑語深閨極目南雲淒斷近黃
昏生怕鵲唳料玉扇幽夢鳳城西認伶俜三尺孤墳
影逐吟魂繞徧棠梨念我青衫痛淚憐伊玉樹香泥

我亦哀蟬身世十年恩
簪付與斜暉況復相如病
損悲歡事咫尺天涯儻人天
薄福到書癡便蓼花長
對春山秀祝蘭房小語牽衣
往事何堪記省疏鐘慘
度招提

鷓鴣天

苦恨花枝照酒杯
名花誰見老風埃
憑伊滿地飄紅
雨消得春人愛惜來
驚歲晚又春回
傷心長是強顏開
芙蓉城闕知何處
說到神仙事可哀

減字木蘭花

風狂雨橫未必城南芳信準
說起前游夢繞青篷一

詞一
葉舟 花枝縱好載酒情懷都倦了柳外湖邊付與
鴛鴦付與蟬

蘇武慢

寒夜聞角

六
愁入雲遙寒禁霜重紅燭淚深人倦情高轉抑思往
難回淒咽不成清變風際斷時迢遞天街但聞更點
枉教人回首少年絲竹玉容歌管 憑作去出百緒
淒涼淒涼惟有花冷月閒庭院珠簾繡幕可有人聽
聽也可曾腸斷除卻塞鴻遮莫城烏替人驚慣料南
枝明日應減紅香一半

金縷曲

八月十八夜記夢

風葉鳴窗竹黯秋燈殘更數盡夢回難續天上寒於
人閒否記伴黔婁幽獨惶愧煞年時金屋底不相逢
教傳語怕相逢令我悲心目應念我瘦於菊西風
等是無情物說淒涼人天一例清寒徹骨歸去青鸞
休相問珍重菱花香玉只此恨平分誰屬弟一天涯
傷心事有阿侯夜守秋墳哭渾未解訴寒燠

蝶戀花

八月二十二日選父招同文石幼遐登西爽

閣子美因病不至

西北雲高連睥睨，萬里愁心一抹遙。
山翠誰向西風傳，恨字秋光鬯好人。
顚顚有酒盈尊須拌醉，感逝傷離何況登臨地。
滿目煙蕪殘照裏，青青不盡平生意。

燭影搖紅

臘月二十夜大雪歸自四印齋作

夜話高齋碎瓊隨步歸來晚，小窗燒燭對梅花疏影。
如相款，贏得塵襟暫澣，甚清寒天涯未慣。料量青鬢
幾許霜華，角聲休喚。風雪年年舊吟春事成，依稀黯

素娥深鎖凍雲低幽恨憑誰管不恨瓊樓自遠恨華
年無端暗換怎生消受明日旗亭鷓鴣須典

摸魚兒

甲午中秋

正良宵玉輪高揭桂花香墮瑤席紅樓十二晶簾捲
誰見素娥幽寂休怨抑算閱盡清寒尙有團圓日持
觴太息問袁渚煙寒庾樓塵揜誰與其今夕凝眸
處大地山河瑩澈秋容淨掃空碧柔情一縷渾難訴
便抵雲羅千尺閒竚立怕只有流螢來照羅衣溼嬋
娟望極悵佳節難酬苦吟誰和蟲語咽苔隙

前調

詠蟲

古牆陰夕陽西下亂蟲蕭颯如雨西風身世前因在
儘意哀吟何苦誰念汝向月滿花香底用淒涼語清
商細譜奈金井空寒紅樓自遠不入玉箏柱 閒庭
院清絕卻無塵土料量長共秋住也知玉砌雕闌好
無奈心期先誤愁謾訴只落葉空階未是消魂處寒
催候鼓料馬邑龍堆黃沙白草聽汝更酸楚

唐多令

甲午生日感賦

已誤百年期韶華能幾時攬青銅謾惜鬚眉試看江
潭楊柳色都不忍更依依東望陣雲迷邊城鼓角
悲我生初弧矢何爲豪竹哀絲聊復爾塵海闊幾男
兒

水龍吟

二月十八日大雪中作

雪中過了花朝惹誰問訊春來未斜陽斂盡層陰慘
結暮笳聲裏九十韶光無端輕付玉龍遊戲向危闌
獨立綈袍欠透休道是傷春淚聞說東皇瘦損算
春人也應顚顚凍雲休捲晚來怕見欒槍東指嘶騎

還驕棲雅難穩白茫茫地正酒香羔熟玉關消息說
將軍醉

壽樓春

乙未清明後一日星岑前輩招同畚淦半唐
游江亭畚淦期而不至賦此調寄懷半唐屬
和余亦繼聲起句同用嗟春來何遲五字

嗟春來何遲怡芳塵散麴煙渚流漸此際飄零詞客
倦游何依悲檻蕙愁攀離似左徒行吟江涯恁錦瑟
華年青山故國回首夢都迷登臨地芳菲時幾紅
牙按拍白袷尋詩底事尊前雙淚者回難持蕤香恨

今誰知賸短碑淒涼題辭更不綰春愁垂楊過籬三
兩枝香冢在亭西北小阜上碑陰題云浩浩劫茫茫
時盡血亦有時滅一縷煙痕無斷絕是耶非耶化為
蝴蝶又詩云飄零風雨可憐生芳草迷離綠滿汀開
盡天桃又瓊李不堪重讀瘞花銘

減字浣溪沙

風壓榆錢帖地飛油雲東北走輕雷銅街車馬未全
稀芳樹總隨幽恨遠亂雅猶帶夕陽歸城頭清角
莫頻吹

水龍吟

已丑秋夜賦角聲蘇武慢一闕爲半唐所擊

賞乙未四月移寓校場五條胡同地偏宵警
鳴鳴達曙淒徹心脾漫拈此解頗不逮前作
而詞愈悲亦天時人事爲之也

聲聲只在街南夜深不管人顚顚淒涼和併更長漏
短穀人無寐鐙炮花殘香消篆冷悄然驚起出簾櫳
試望半珰殘月更堪在煙林外 愁入陣雲天末費
商音無端淒戾鬢絲搔短壯懷空付龍沙萬里莫謾
傷心家山更在杜鵑聲裏有呢鳥見我空階獨立下
青衫淚

祝英臺近

示姬人病新瘡

撫清琴鑽故紙相伴鎮憐汝拂拭盤龍珍重澹眉嫵
綠窗對影伶俜葳苓味好道都是檀奴心苦 虎山
路料應綠徧垂楊和煙萬千縷是汝鄉關是我舊游
處恁時重繫蘭橈紅牙按拍爲低唱酒邊詞句

蝶戀花

門揜殘春風又雨著意尋春商略年時誤吹咽瓊簫
儂自苦消魂第一流鶯語 滿地梨花曉杜宇春便
歸休儂定歸何處萬種春愁誰與訴畫船艤徧桃根
渡

蕙風詞卷上

受業趙尊嶽校字

蕙風詞卷下

惜陰堂叢書

臨桂 況周頤 夔笙 譔

握金釵

鐵篴倚層樓天涯怨芳草定巢新燕能道畢竟無塵
是壺崎花作伴海流愁人未老 竟夕聽笙歌悵悵
甚時曉翠尊莫惜頻倒沈醉東風夢長好春黯黯事
茫茫難自料

蝶戀花

柳外輕寒花外雨斷送春歸直恁無憑據幾片飛花
猶繞樹萍根不見春前絮 往事畫梁雙燕語紫紫

紅紅辛苦和春住夢裏屏山芳草路夢回惆悵無尋處

摸魚兒

又恁恁紅柔鬢盡天涯無恙芳節垂楊幾費黃金縷
得似寸腸縈結芳草歇見無數殘紅錯認曉腸血侵
尋鬢雪悵京雒風塵滄洲身世容易故人別 仙山
迴信有玉扁金闕人寰下望愁絕笙歌不破鶯花夢
只是潮聲嗚咽清怨切更誰念五銖衣薄春寒徹餘
香更熱千萬捲珠簾斜陽過也著意看新月

臨江仙

子大來申詞事雲涌臨江仙連句八闕極掩
抑零亂之致訥翁和之余亦疊韻晨夕素心
之樂身世斷蓬之感固有言之不足者

老去相如猶作客天涯跌宕琴尊上階難得舊苔痕
簾深春夢淺香冷夕陽溫拾翠心情消歇盡東風
不度蘭蓀言愁天亦欲黃昏斷魂芳草外何止憶王
孫

一桁湘簾塵不到除非燕子歸來吳天暢好碧於苔
月娥瓊駕出流照輓金杯明日晴陰君莫問迴鐙
又見花開非花非霧卽蓬萊鄰娃工度曲絃管未須

哀

約略琵琶商婦怨春花秋月蹉跎韶華換後峭寒多
江山敲枕夢風雨缺壺歌 明鏡曉霜羞短髮負它
雲鬢峨峨相逢切莫誤橫波雍門成舊曲無計惜韓
娥

楊柳樓臺花世界嘶驄只在銅街金荃蘭畹惜荒萊
無多雙鬢綠禁得幾低徊 暖不成晴寒又雨昏昏
過卻黃梅愁邊萬一損風懷雁箏猶有字蠟炬未成
灰

往事秦淮流不盡櫂歌淒斷吳艫揭天風色帶潮青

斜陽非故國名士又新亭 乞與相思紅豆子消磨
記曲銀屏雲階月地各飄零扶花成醉纈仗酒破愁
局

畫舫重溫羅綺夢捲波風急誰知江南大好惜年時
水香山媚嫵花靨柳腰肢 可有青衫供換淚故人
消息還疑倚闌心事絕淒其長亭霜後葉辛苦又辭
枝

西北樓高雲海闊歌猶是狂生閒愁莫誤酒杯行
多情應笑我皺水底干卿 過眼鶯花成昨夢夢回
省識飄零癡龍作去雨亦慳晴吹寒清角怨何況帶

潮聽

危坐促絃絃轉急新愁舊恨難論
秭歸啼血到吳根
有樓皆蠶市無地著桃源
劫外琴書須位置要它
相守心魂少留清氣在乾坤
珍珠休換字金粉易成
塵

滿庭芳

簾押寒輕窗茸暝重
一院濃綠無人空梁舊燕來伴
倦吟身又是荼蘼過也
銅駝陌軋軋香輪東風裏殘
花藉草何處更飄茵
前塵如昨夢金觴玉柱鶴嶺
龍津念飄零投老惆悵逢春
便有桃源忍問不知漢

畢竟知秦天涯路關河寸寸一寸一傷神

玉樓春

金猊香冷羅衣薄
鶯鶯聲中風雨惡
玉奴羯鼓悔催
花花若遲開應未落
垂楊只在闌干角
縱隔垂楊
便天各闌干憑到落花深
寒食清明孤負卻

瑞龍吟

甲寅暮春得子大湘中書附贈別詩倚此卻寄

滄洲路無恙
昨夢鶯花故人雞黍
垂楊西北高樓
砑箋漉酒相望隔雨
黯離緒容易綠鵲
唳徹玉驄嘶

去停琴極目湘天也應念我絃清調苦詩事煙波

江上

贈別詩作於大通舟次

落霞回首浮雲騎羽紉佩楚蘭情

芳珍重魚素危闌伫立斜日風催絮還淒斷青冥海
色黃昏潮語別後消魂處更誰問訊吟邊月露禁得
春寒否憑舊燕商量和愁同住茂陵鬢雪不關遲暮

沁園春

綠櫻花第三詠

東都妙姬

燕城賦句

南都石黛

玉臺新詠序句

傾國傾城恁宜笑

宜顰盈盈晚翠如煙如夢冉冉春青妒煞鸚哥誤它
鳳子照影前池澹不勝芳菲節倩碧雲捧出天外飛

瓊 多情更惜殘英只點上蒼苔辨未曾算何必成
陰總然蔥蒨忍教結子如此娉婷中國櫻花不繁而實日本櫻花繁而
不淺暈鄉愁濃分海色回首東風第幾叮花知否念
荷衣慘綠似我飄零

燭影搖紅

甲寅除夕

問訊梅花蚤春消息殘寒外小窗兒女自團圓幽恨
憑誰解往事思量莫再隔朦朧金鑪翠靄爲誰詩鬢
苦恨消磨年年春在 豈好屠蘇引杯不分愁如海
椒紅柏綠總依然誰念朱顏改夢裏風雲萬態作去

蘭夜笙歌一派此時情味減了年時東陽腰帶

高陽臺

和漚尹社作韻我非社中人也

網戶斜曛銅街薄暝窺人柳眼猶青幾換晴陰東風
又綠林亭流鶯勸我花前醉怕花枝萬一多情最愁
人何處高樓今夕殘箏韶華不分成蕭瑟奈江關
庾信略約平生戲鼓陽簫尊前儘費春聲薜蘿特地
傷心碧算年年總負清明更何堪舊壘紅襟來話飄
零

減字浣溪沙

余賦櫻花詞屢矣率羌無故實偶閱黃公度

日本雜事詩注及日人原善公道先哲叢談

再占此九調時乙卯大暑前一日黃氏詩注云櫻花五

大洲所無有深紅淺絳亦有白者一重至八

重三月花時公卿百官舊皆給假賞花今亦

士女徵逐舉國若狂也東人稱爲花王墨江

左右隄有數百樹如雪如霞如錦如茶又云

有賣櫻飯者以櫻和飯賣櫻餅者團花爲餠

或煎或蒸有團子貴於花之謠賣櫻茶者點

櫻爲湯少下以鹽可以醒酒花枝或插於帽

裏於袖繫於帶游客歸時滿城皆花矣又云

墨江木母寺旁有墳名梅兒相傳古美人梅

若以三月十五日化去是日遇雨都俗謂之

淚雨名流賞花必弔其墳原氏叢談引安

積覺湖亭涉筆云文恭酷愛櫻花庭植數十

株每花開賞之謂覺等曰使中國有之亦當

冠百花義公環植櫻樹於祠堂之旁存遺愛

也按明餘姚朱之瑜字魯瑱號舜水私諡文恭甲申後避地日本客於水戶水戶義公以官師禮厚遇之

爛漫枝頭見八重倚雲和露占春工十分矜寵壓芳叢
鬢影衣香滄海外花時人事夢魂中去年吟賞忒怱怱

萬里移春海亦香五雲扶艦渡花王從教彩筆費平章
萼綠華尤標俊賞綠者尤如倩藐姑射不競濃妝徧

翻芳譜只尋常

不分羣芳首盡低海棠文杏也肩齊東風萬一尙能西
見說墨江江上路綠雲紅雪繡雙隄梅兒菊畔

惜香泥

何止神州無此花西方爲問美人家也應惆悵望雲
涯風味似聞櫻飯好天台容易戀胡麻一春香夢
逐浮槎

畫省三休仁玉珂峨冠寶帶惹香多錦雲仙路簇青
娥似此春華能愛惜有人芳節付蹉跎隔花猶唱
定風波

舜水祠堂璨雪霞廣平鐵石賦梅花葛薇身世一枯

槎

韓子通解伯夷哀天下之倫且以彊則服食其葛薇逃山而死人第知夷齊采薇而不言其衣葛

紅樹仙源仍世外綵旛春色換鄰家過牆蜂蝶近

紛拏

何處樓臺罨畫中
瑤林瓊樹絢春空
但論香國亦仙蓬
未必移根成悵惘
祇今顧影越妍濃
怕無芳意與人同

且駐尋春油壁車
東風薄劣不關花
當花莫惜醉流霞
總爲情深翻怨極
殘陽偏近蒨雲斜
唬鵬說與各天涯

翦綠裁紅十四詞
昨今兩春爲櫻花賦詞凡十四闕
迷花我合署櫻癡
花能惹淚怕花知
安得簫雲飛綺夢
儘教裊露折繁枝
三山立馬豔陽時

定風波

未問蘭因已惘然垂楊西北有情天水月鏡花終幻
迹贏得半生魂夢與纏綿戶網游絲渾是羅被池
方錦豈無緣爲有相思能駐景消領逢春惆悵似當
年

戚氏

櫟括近作減字浣溪沙詠櫻花九首詞成塵
略具所用典其言中寄託與夫言外之意得
十之二三而已爲櫻花詞第十五

倚珍叢落日搔首海雲東錦織鸞情粉含蛾笑總愁

儂玲瓏占春工。酥搓藥破一重重。綠華舊日吟賞駐。
馬何似、少從容。閬苑環佩瓊林冠冕。後塵五等花封。
算神州、載得西指槎。遠何處相逢。說與俊約仙蓬。
江樹玉秀綺綰。岸雙通。餐英侶飯抄霞。起餅擘脂融。
弔驚鴻。畫舸淚雨繁華。燭轉記省番。風磬鶯浪蝶。烏
日。叮煙眼底著意妍穠。舜水祠環繞。憑香豔絕映
帶貞松。怪底星旛未改。付花狂絮舞。暗塵中。劇憐畫
省翹冠。翠娥顰鬢春好人知重。甚醉鄉容易韶華送。
風雨橫多少。殘紅賸倦吟暮色。簾櫳又芳節。倩雪照
春空作。
去神山夢瓊枝在手。俛瞰魚龍。

八歸

題張子苾

祥齡

半篋秋詞

吳霜鬢點京塵衫色如夢事往倦說何堪蠹紙珍珠
字還付九天哀怨雨潮鳴咽二十年前分袂地賸慘
黯銅駝煙月渭水曲莫賦招魂此恨總華髮賡和
年時對影揮豪珠玉四印高齋清絕曩寓都門與子
苾半唐連句和
珠玉詞於
四印齋遠游王粲少時張緒荏苒蘭荃摧折訪滄
桑舊雨我獨中腸杜陵熱知何許令威華表瘦損瓊
簫香詞空半篋

隔浦蓮近

詞一
杭州人來言湖上荷花盛開爲占此調依夢
窗體

蕩泉不度佩響飛夢成來往畫裏樓臺換迷金碧干
波晃鷗鷺知悵惘天機錦未了雲霞想影娥上含
情怕問玉容別久無恙夕陽芳草負了紅衣雙漿香
色年年送去浪休忘蹋搖歸路妍唱

風入松

宋徽宗琴名松風

北來征雁帶魂消夕吹咽寒濤太清樓畔鷗絃迴空
回首仙樂層霄舊譜水雲舟夜新聲國寶湖橋杏

花詞事翦久綃遺恨付桐焦音官大晟飄零後風和

雨送盡雲韶今古人天淒籟霓裳一例蓬蒿

宋史宣和四年四月丙午詔置宣和樓及太清樓

秘閣汪水雲淮河中夜聞宮人彈琴賦水龍

吟詞太學生于國寶題風入松詞於西湖斷橋

酒肆屏風上徽宗燕山亭杏花詞首句裁翦欠

綃宋史崇寧四年八月辛卯賜新樂名

大晟置府建官音官樂官也見國語

故宮風雨咽龍吟法曲惜消沈獸香錦幄聞箏後絲

桐語特地情深十八胡笳淒拍九重仙樂遺音玉

笙雜寒夢重尋客路各霑襟瘦金零落霓裳譜朱絃

怨葦母光陰說與宮聲不返隴雲嗁損雙禽

周美成詞錦幄初溫獸香不盡相對坐調箏為歡
宗幸李師師家作李後主詞細雨夢回雖塞遠

小樓吹徹玉笙寒徽宗書銀鉤鐵畫細筋入骨
名瘦金書徽宗北去遇清明詩云茸母初生認
禁煙無家對景倍淒然茸母名郭浩按邊至
龍口見紅白二鸚鵡在樹間問上皇安否浩曰崩
矣鸚鵡悲鳴不已樂府雜錄安公子隋煬帝游
江都時有樂工笛中吹之其父老廢於臥內聞之
問曰何得此曲子對曰宮中新經也父乃謂其子
曰宮爲君商爲臣此曲宮聲往而不返大駕東巡
必不回矣汝可託疾
勿去也精鑒如此

蒼官擁仗鳳鸞鳴
鴛鴦篆香清
百琴堂裏彈薰日
須不讓黃鵠秋聲
別殿春雷合奏先
朝靡玉齊名
霜
墮點漆海東鷹
溪絹也飄零孤臣
心事流泉激知音
少絃斷誰聽
唯有風煙喬木黃
昏吹角空城

五雜組宋宣和閒宮中所焚異香有鴛鴦龍涎亞
悉金顏雪香褐香之類
琴苑宣和殿百琴堂有

琴名黃鵠秋 又宣和多古琴今存者唯春雷

又靡玉宋太祖琴名 徽宗畫鷹多以漆點晴高

出紙上 岳武穆小重山詞欲將心事付瑤琴知

音少絃斷有誰聽蓋指主和議者多也 姜白石

揚州慢詞自胡馬窺江去後廢池喬木 猶厭言兵漸黃昏清角吹寒都在空城

層樓倚翠萬松巔清竚夏湘絃瓊瓏花石丹霄路秋

濤語飛墮歌前轉眼驚飗揭地斷腸衰草黏天 孟

婆無計送歸船別鵲不堪彈當筵猶自呼方響紅鸚

鵡心事殘鵲淒斷雙聲徵角河清舊曲誰傳

楓窗小牘壽山艮嶽徽宗所築山之西有萬松嶺

嶺畔有倚翠樓 徽宗北行戲作小詞云孟婆孟

婆你做些方便吹箇船兒倒轉孟婆風名 楓窗

小牘高廟在建康有大赤鸚鵡自江北來集行在

承塵上宦者以手承之鼓鞞而下足有小金牌有

宣和二字因以索架置之稍不驚怪比上膳以行

在草草無樂鸚鵡大呼卜尙樂起方響久之曰卜
娘子不敬萬歲蓋道君時掌樂宮人以方響引樂
者故猶以舊例相呼高廟爲罷膳泣下 鐵隔山
叢談宣和初雅樂新成八音告備因作徵招角招
有曲名黃河清慢

西江月

乙卯七月二十五日夢中哭醒口占

夢裏十年影事醒來半日閒愁羅衾寒側作去深秋
清淚味酸於酒 何處傷心不極此生只恨難休眠
前紅日在簾鉤聽雨聽風時候

多麗

秋雨

碎秋心斷鴻殘角疏砧更何堪瀟瀟颯颯黃昏付與
愁霖問誰消蟲聲四壁知難醒蝶夢重衾敗葉階前
孤桐井畔絲絲渾似淚霑襟美人隔紅牆碧漢塵世
自晴陰重陽近橫空作去暝兒說登臨鎖姬娥濃
氛慘結西風消息侵尋賫香添猊薰恁熱兼露滴鶴
警還瘖變徵無端移宮未穩鄰家鐵篴入雲深向此
際違寒避溼菊釀索濃斟滄江晚斜陽回首恨滿煙
林

紫萸香慢

九日再賦

凭危闌茱萸愁把作寒野色淒迷拌去一回扶醉便
消得夕陽西信是無風無雨甚寥天鴻唳夢壓雲低
笑劉郎恁日搦管怯糕題指峻路有人手攜秋期
省記疑非顰欲損遠山眉算黃花晚晚閒情得似陶
令東籬可無白衣人至最醒處易成悲峭西風未妨
吹帽茂陵絲鬢誰惜綠減霜欺清淚自持

最高樓

雨夕餞秋

風和雨嗚咽似驪歌芳節惜蹉跎高樓何況聞鴻雁
重衾生怕夢山河說傷心應更比送春多鐘未到

尚餘梧幾葉更欲斷最憐花寸蠟霜晚晚鬢消磨西
風樹到無聲苦東籬菊亦奈愁何賸淒清今夕也等
閒過

鷓鴣天

如夢如煙憶舊游聽風聽雨臥滄洲燭消香燧沈沈
夜春也須歸何況秋書咄咄索休休霜天容易白
人頭秋歸尚有黃花在未必清尊不破愁

前調

得明正德補版元本爾雅殘破特甚補綴成
編賦此題後

老向書叢作蠹魚病餘還補蠹餘書劇憐風雅彫殘
甚怪底經生故訓疏 風雨外閉門居一編能遣幾
居諸尋常豹鼠何難識未必終童我不如

徵招

漚尹將之吳門有書來云雖小別亦依黯也

賦此報之

清琴各自憐孤倚停雲總成消黯後約幾情深比黃
花香澹客襟淒萬感算霜月一秋分占見說將離綠
蕪愁到冷吟闌檻 點檢浣花箋珍珠字天涯更無
人念咫翠隔吳雲也難爲別暫不辭青鬢減只尊酒

再攜須釀兩潮語寂寞滄洲更雁驚寒漸

玲瓏玉

元姚雲文字聖瑞高安人有江邨遺稿當是
倚聲傳家紫萸香慢玲瓏玉皆自度曲聲情
悱惻饒絃外音余極喜之今年九日旣賦紫
萸香慢寒宵無聊更仿此調聖瑞詠雪余則
詠霜此題蓋塵有作者

無恙危闌染秋色一夕誰知林疎日薄作去寒那更
天涯惱亂丹楓醉舞甚嬋娟青女猶鬪華姿淒其虧
荒城侵曉角吹漫惜何郎鬢綠念江山金粉一例

成悲嬾具鷓鴣裘向東籬且看寒枝葭蒼伊人何處便
咽盡孤琴促節雅操貽誰錦書帶悵南樓驚雁過遲

南鄉子

秋士慣疏蕭典盡鷓鴣裘飲更豪況有鸞笙丹鳳瑄良
宵不放青鐙照寂寥一笠一詩瓢隨分滄洲聽雨
潮何止黃花堪插帽嬌嬈江上芙蓉亦後彫

曲玉管

憶虎山舊游

兩槩春柔重闌夕遠尊前幾日驚鴻影不道瓊簫吹
徹淒感平生忍伶俚傷杳杳蘅皋茫茫桑海碧城往事

愁重省問訊寒山可有無限傷情作去鐘聲換盡
垂楊只縈損天涯絲鬢那知倦後相如春來苦恨青
青楚腰擎抵而今消黯點檢青衫紅淚夕陽衰草滿
目江山不見傾城

醉翁操

一九初交寒消未幾海濱風日饒有春意天
時人事我愁如何倚此索隘庵孟劬漚尹和
淒然春妍含暄渺風煙堪憐南鴻爲誰愁驚寒雪明
霜暗何天憑畫闌有恨付無言隔輦紅幾家管絃
豔陽錯認生怕嘯鵬玉去鍾翠袖回首承平少年花

有香而歌前柳有陰而吟邊何因青鬢斑多情無韶
顏阻夢萬千山亂雲殘照春忍還

浣溪沙

漚舄往還蘇漚閒蟾不再圓驪輒一唱感時
惜別情見乎詞

身世滄波夕照邊總然相見亦相憐那更垂楊偏不
繫木蘭船莫向天涯輕小別幾回小別動經年蚤
是無多雙鬢綠況霜天

金縷曲

海上秋深炎景逾庚伏感拈此解

天也因人熱甚秋風年年容易者回奇絕燄燄燒空
雲如火占斷滄溟空闊卻付與亂蟲騷屑空谷斷無
人倚竹笑梧桐何苦知清節誰障扇庾樓月 燠涼
也作滄桑閱便尋常天時人事而今休說門外風沙
驕陽路珍重填胸欠雪問襜褕何如吾拙推枕總然
無好夢又朝暾紅似殘腸血愁極目且晞髮

定風波

中秋集愚園爲彊邨補祝

淨洗塵氛一雨涼中秋天氣日猶長把酒祝君千萬
壽知否天教留眼看紅桑 莫負名園今夜月清節

未花桂葉亦芬芳更擲玉去笙鏗鐵板休管綠陰深處萬蜚蟹

玉燭新

重陽近矣倚此爲寒花問

光陰簪菊近費暗省秋期幾探芳信故人自別江山
瘦豈好登臨誰分題糕落帽忍忘去卻年時疏俊簾
乍捲笙語霜前依稀破人醒困安排更把茱萸怕
剗地煙塵放晴難穩素娥問訊應不負占取一天風
韻無情有恨數舊約會無憑準愁暫倚風雨壺觴低
徊看鬢

傾杯

丙辰自壽

清瘦秋山斑斕霜樹年年勸人杯
殘浮生事未信長是似月難圓
比雲更幻便南飛黃鶴依然腰
篋意懶舊江山夢沈天遠自惜
金縷滄桑莫辭留倦眼首重
法回承平游衍怕者回憑闌
斜陽如水去日蹉跎青鏡鬢
絲較甚文章賤持此恨誰遣
憑消領梧葉閒愁芙蓉幽怨
相期老圃寒花晚

洞仙歌

秋日獨游某氏園

一罨閒緣借便意行散緩消愁聊且有花迎徑曲鳥
呼林罅秋光取次披圖畫恣遠眺登臨臺與榭堪瀟
灑奈眠斷征鴻幽恨翻縈惹忍把鬢絲影裏袖淚
寒邊露草煙蕪付與杜牧狂吟誤作少年游冶殘蟬
肯共傷心話問幾見斜陽疏柳挂誰慰藉到重陽插
菊攜萸事真假酒更蕘更有約東籬下怕蹉跎霜訊
夢沈人悄西風乍

紫萸香慢

丙辰重九

又恁恁一回重九菊萸總逐愁新恁悲哉秋氣慣蕭

悲隔年人最是無風無雨費遙山眉翠鎮日含顰念
東籬俊約迹往越成塵渺過雁幾重冷雲黃昏忍
對清尊持薄酒與誰溫甚青娥皓齒檀痕招損畢竟
聲吞總然夕陽如醉算多事怨濃霧彊登臨自憐衰
鬢故人不見寥落客裏佳辰霜重閉門

金人捧露盤

芙蓉

恁娉婷真不染世閒塵似去靜女歐陽文忠芙蓉詩
娟娟如靜女不肯
傷肝曉鏡妝新當樓映幕未煩初日助風神拒霜高
格與東籬傲骨同論夢江頭舉木末誰手把寄夫

詞一
君舊情在麝度微薰集裳欲問水花莫誤注騷人
古今
注荷花一
名水花 後開隨分向西風展盡紅顰

滿路花

彊邨有聽歌之約詞以堅之

蟲邊安枕簾雁外夢山河不成雙淚落爲聞歌浮生
何益儘意付消磨見說寰中秀曼睞修蛾舊家風度
無過 鳳城絲管回首惜銅駝看花餘老眼重撫抄
香塵人海唱徹定風波點鬢霜如雨未比愁多問天
還問嫦娥
梅郎蘭芳以嫦娥奔月一劇蜚聲日下

塞翁吟

疆邨屢聽歌。鰕生竟弗與。雖曠世。希有如嫦娥。奔月一劇。不足以動其心。信嬾不可醫耶。抑興會不可彊也。

有約無風雨。不分冷落歌。塵幾愁裏掩。重門黯燭淚。
襟痕逢花拌。去酒年時夢。何處暫許溫。存繡隱幕。麝飄茵。爲說與消魂。欠輪憑闌見。嫦娥自昔渾未肯。多情向人便。眞箇聞聲對影也。無望點拍霓裳駐得。浮雲相如倦也。只有纖阿來照黃昏。

蕙蘭芳引

秋士多悲舊游如夢尋。芳倦矣。孤負萼綠華。

來消魂黯然萬一杜蘭香去誰能遣此情見

虞詞

歌扇舞衣早淒斷倦游心目豔十里秋塵多恐破愁
未足茂陵病損意最感霓裳新曲悄夢雲不度咫尺
天涯絲竹玉_去雪伊人星辰昨夜總付棖觸問能
幾消磨何止鬢難再緣垂鞭側帽墜歡忍續招素娥
來話廣寒幽獨

入聲甘州

葬花一劇屬梅郎擅場之作爲賦兩調

向天涯絲管已難聽何堪恁傷春算憐卿憐我無雙

傾國第一愁人仿佛妒花風雨逐夢入行雲芳約噀
鵲外回首成塵 占取人天紅紫早頽垣斷井分付
消魂拌去隨波未肯何計更飄茵便三生願爲香土
費怨歌誰惜翠眉顰腸迴處只青衫淚得似紅巾

西子妝

蛾蘖顰深翠茵蹴淺暗省韶光遲暮斷無情種不能
癡替消魂亂紅多處飄零信苦只逐水霑泥太誤送
春歸費粉娥心眼低徊香土 嬌隨步著意憐花又
怕花欲妒莫辭身化作微雲傍落英已歌猶駐哀箏
似去訴最腸斷紅樓前度戀寒枝昨夢驚殘怨宇

減字浣溪沙

聽歌有感

解道傷心片玉詞此歌能有幾人知

片玉詞句

歌塵如霧

一顰眉

碧海青天奔月後良辰美景葬花時誤人

畢竟是芳姿

惜起殘紅淚滿衣
它生莫作有情癡
人天無地著相思
花若再開非故樹
雲能暫駐亦哀絲
不成消遣只成悲

蜂蝶無情剗地飛
楊花薄倖不成歸
落紅身世底矜持
便似青山薶玉骨
願爲香霧護瓊枝
枰枰歌管

夜何其

儂亦三生杜牧之多情何事誤芳期最傷春處送秋
時少日驄嘶芳草路東風鶯囀上林枝而今眞箇
隔天涯

帶月霑霜信馬歸曉來添得鬢邊絲綺窗重按玉梅

詞

舊作有
玉梅詞

紫陌銅駝勞悵望黃河羌筵費淒其閒

愁萬一阿儂知

鶯囀序

梅郎自滬之杭有重來之約其信然耶宇宙
悠悠吾梅郎外孰可念者萬人如海孰知念

吾梅郎者王逸少所謂取諸懷抱因寄所託
樂記云言之不足故長言之唯是夢蝶驚鴻
大都空中語耳不於無聲無字處求之將謂
如陳韓之賦雲郎則吾豈敢

聞歌向來易感倚孤琴倦語記曾幾花月因循自別
何事凝伫費遙夜紅牙按拍湖天可有癡雲駐爲傷
春蹙徧雙蛾似憐遲暮芳約燕蘭夢裏事往牘滄
洲臥雨涓城唱禁得何懣茂陵詩鬢將素忍重尋旗
亭敗壁最堪觸新腔金譜翠禽邊昨夜星辰縞衣仙
路驚鴻片霎怨字三生此情定念否人去也一聲

雙淚便抵河滿慧業愁根更誰儂汝玉璫盼斷青衫
涇徧何郎詞筆猶蕭瑟再休提舊曲霓裳序人天幾
劫何曾換卻華鬢葬花怕無香土離魂化蝶到得
西泠要柳絲繫住尙仿佛江山金粉未盡消磨幾見
娉婷舊家風度雲涯恨遠霜華愁重相思休管鶴平
更瘦便瑤臺從此迷煙霧淞潮待翦還慵自撥湘絃
斷腸訴與

前調

題王定甫師夔礎課誦圖 周頤年十二受
知 定甫先師忽忽四十餘年垂白江湖學

殖益荒落愧且舉已丙辰歲暮晤補園十五
兄滬上出示嬰礎課誦圖靈均博譽之節少
陵明發之痛胥寓庠是展對肅然增倫敦之
重復念吾廣右詞學朱小岑先生依真倡之
於前吾師與翰臣虛谷兩先生繼起而拒
興之周頤得見虛谷先生手蹟自此圖題詠
始又題詞中如張興治馮魯川顧子山三君
皆工倚聲周稚圭先生尤填詞嫺家端木子
疇前輩曩同直薇省奉爲詞師有感氣類之
雅輒學邯鄲之步矧丁陽九神州擾離風雅

弁髦名教掃地吾人今日處境之難堪有甚
於零丁孤露飲久茹檠又豈吾師及諸先
輩所及料俛仰興衰曷能自己歌哀響繁不
覺言之覩縷也

定甫師蚤孤依姊氏姊孀家綦貧有廢圃數
弓梧桐一石二姊課師讀師展卷姊擣
衣各據一石其後師官京朝憶姊鄉居
繪圖徵題時道光乙巳丙午間也附記

音塵畫中未遠莽滄桑換幾賸依黯昔日春明秭歸
嘒處離思記分占桐陰片石書鐙慘澹礎霜碎便蘭
騷能貌嬋媛未抵情至垂老侯芭載酒記省悵華
年逝水爲讀畫帳觸鄉愁梗萍行念身世數承平鬱

箋象筆擅荃豔誰爭臣里向天涯昨夢重尋舊家詩
事 驚秋斷杵映雪寒窗坐我更悽悵差勝是十年
親舍戲綵膝繞蒜髮荷衣那禁清淚故山雁斷新亭
麥秀唯應月姊知人怨破書堆萬一蕪憂地披圖涕
雪松楸望極南雲漲天可奈塵起 趨庭卅角雅學
初程授誦亦謝姊仲姊月芬適黃蚤逝重去愴念吟
邊雪絮夢裏曇花仲姊綺年明慧曾於秋夜見彩雲
俄頃卽散竊以爲蘭摧之預兆
此恨生離未應得似羈孤易感情親難再人生能幾
年少日況山河風景而今異填胸事往休論四十年
前絳紗弟子

水調歌頭

明瞿忠宣公印文曰起田氏

石質青帶微黃有赭紺二色理

高一寸七分疆方徑七分頂一角微缺朱文起田右氏左邊款稼軒太史之命震孟

人世自桑海金石詎消磨孤山忠武王印歷劫水雲

窩難得後先輝映唱徹鶴歸來後

鶴歸來傳奇紀忠宣歸骨虞山事

遺製見文何可惜昆吾鐵斨不到蛟鼉

擊賊笏遼

東帽等摩挲菱菱身外物耳聲價重山河我是湘南

聲叟懷想靈旗風雨渺渺洞庭波甚日數椽隱乞與

壯煙蘿

六州歌頭

韓无咎體

詞一
鏡中見鬢絲有白者

飛蓬兩鬢容易雪霜欺能似舊青青否一絲絲不須
悲草木無情物催換葉清秋節芳未歇寒先徹底禁
持似我工愁儻不教顚顚造物何私況天涯飄泊後
昨夢都非老態垂垂鏡先知 念歡事少憂心悄吾
衰早復奚辭長似此星星矣欲胡爲莫頻窺一樣傷
心色行滋蔓到吟髭金粉改江山在越淒其商婦琵琶咽到無聲處縈損蛾眉便青春又也忍憶少年時
醉插花枝

浣溪沙

自題菊夢詞

辛苦回燈憶夢時
夢餘遺恨滿天涯
叢菊賺人多少
淚沉梅枝
酒畔光陰銀鑿落
曲中消息玉參差
雪虐霜欺須拌
去得鬢邊絲

繞佛閣

過教場頭巷
鶯翁故居

鶯翁晚年自號半塘僧鶯

舊懷拌

去

損殘照故國無淚堪
賈愁路驄引夢華逝

水雪鴻更休問鳳城大隱門
巷未改閱世朝權暗塵
淒緊燕歸莫也雕梁怕重認
送目幻樓閣自古滄桑
無此恨誰念未歸山邱須與忍
賸占取人天各自

孤憤惘然金粉便對影江山無復游俊悄寒邊暮雲
低盡

水調歌頭

壬戌六月十一日集海日樓爲寐姝金婚賀

海外國俗結婚
五十年爲金婚

嘉耦歲寒侶琴瑟亦久絃黃金白首相況金欲遜其
堅偕老百年常事公是劉樊仙眷何止百而千百者
數之始中半最華年 燭雙照樓百尺敞瓊筵騰天
躍海看取晨旭總成圓指顧光華復旦仙仗 御香
深處比翼更朝 天

吉林索綽絡相國英和元配薩
克達夫人道光三年冬 上冊

封佟雅 皇后相國爲持節使夫人奉 旨詣 后
宮行禮偕相國入東華門觀者豔之唐權文公與縣
君同朝興慶宮有詩取其句爲 醉寫催妝句眉筆老
比翼朝天圖見恩福堂筆記

逾妍

雙調望江南

曩年十三歲賦落花得香韻全闕不足存越
五十年改定二首風格渾不似也

閒庭院花落更斜陽肯與游絲爲繾綣莫將飛絮共
平章飄泊不能狂 東風急無計挽紅芳輸與鄰家
蜂蜜好不知何處燕巢香迴盡舊時腸

花如畫未必畫非眞見說畫中花不落移家作箇畫

中人占取最長春 春未肯著我輓紅塵花若有情
花亦瘦十年香夢太酸辛我與我溫存

戚氏

漚尹爲晚華索賦此調走筆應之

仁飛鸞夢綠仙子綵雲端影月娉婷浣霞明豔好誰
看華鬢夢尋難當歌掩淚十年閒文園鬢雪如許鏡
裏長葆幾朱顏綃袂重認紅簾初捲怕春暖也猶寒
乍維摩病榻花雨催起著意清歡 絲管賺出嬋娟
珠翠照映老眼太辛酸春宵短繫驄難穩栩栩須還
近尊前暫許對影香南簾語徧寫烏闌番去風漸急

省識將離已忍目斷關山

晚華將別去道人先期作虎山之游避之

念

我滄江晚消何遜筆舊恨吟邊未解清平調苦道蒼
枝翠羽信纏絲劇憐畫罨瑤臺醉扶紙帳爭遣愁千
萬算更無月地雲階見誰與訴鵲守綠慳甚素娥暫
缺能圓更芳節後約是今番耐清寒慣梅花賦也好
好紉蘭

鷓鴣天

贈阿蘩

桃李爲容雪作膚本來珠海出明珠十年看舞聽歌
倦脰管簾櫳一起予春婉婉錦模黏江山金粉屬

儂渠久霜磨鍊相思骨容易天教付點酥

甘草子

七月初五夜雨

風雨颯颯瀟瀟捲地收殘暑一葉下廊腰省識秋來
路低盡碧天凝眸處更黯黯溼雲堆絮驚憶江南
庾郎賦比斷鴻哀否

摸魚兒

癸亥八月初二日賦

近尊前一聲河滿聲吞和淚腸熱十年花事伶俚甚
禁得綠旛摧折風雨咽爲已斷鵲魂苦憶嗁時血情

天一髮念芳約俱寒墜歡何望曲怨玉笙裂
花落後無那佳人又別臙脂猶有殘雪天涯忍此春消息
不是眾芳消歇千萬結賸弱綫衰楊青眼堪愁絕倡
條冶葉問底事干卿一池吹皺持恨與誰說

鷓鴣天

匝地嬌雷殷畫輪疏鐘無力破黃昏總然明月都如
夢也有青山解辟塵魂灑無山楓葉醉菊花新色香天
與饋吾貧西風肯到閒庭院消得憑闌一岸巾

前調

重陽不登高示縣初密文兩女客有作重

陽詞者用避災字此字不易用也

秋是愁鄉雁不來登高何望只風埃暫時楓葉濃如
錦何處萸囊避得災 憐霸業委荒萊卽今戲馬亦
無臺何如偃蹇東籬下猶有南山照酒杯

減字浣溪沙

風雨高樓悄四圍殘燈黏壁淡無輝篆煙猶裊舊屏
幃 已忍寒欺羅袖薄斷無春逐柳絲歸坐深愁極
一霑衣

花與殘春作淚垂何論茵溷已辭枝憐花切莫誤情
癡 聽雨聽風成暫遣如塵如夢最相思斷腸都不

似年時

荏苒霜華改鬢絲自從青鏡見顰眉杜鵑啼徹落花
時屏上有山非小別釵頭無鳳不長離一泓清淚
影娥池

一燭溫存愛落暉傷春心眼與愁宜畫闌憑損縷金
衣漸冷香如人意改重尋夢亦昔游非那能時節
更芳菲

紅到山榴恨事多斷無消息奈情何尊前唱徹懊儂
歌鴉子局翻悲短劫鮫人淚織委空波鉏盟禁得
幾蹉跎

詞一
風雨天涯怨亦恩漂搖猶有未消魂能禁寒徹是情
根月作眉顰終有望香餘心字索重溫不辭癡絕
仁黃昏

慘碧鬢天問不謫護花能得幾金鈴摧殘風雨若爲
情搗麝塵香終淡薄飛龍骨出亦伶俚總然無夢
不如醒

錦瑟知人恨已深如何絃柱不侵尋暗思前事擁輕
衾燈灺自憐偏炯炯更長難得是沈沈一簪華髮
十年心

金縷曲

題東軒老人山水畫冊老人一號寐叟

遺恨橫蒼翠算年時多情海日見人顚顚滿目江山
殘金粉叟也何嘗能寐邱壑是填胸壘塊疊嶂層巒
空迴合甚蘭根欲著渾無地知渲染費清淚 靜觀
無那東軒寄俯茫茫同昏八表濤驚雲詭陵谷遷流
十年夢併作無聲詩史聊付託迂倪顚米兜率海山
堪盤礴莫驂鸞回首人間世墨黯淡剡谿紙

霜花腴

彊邨先生霜腴圖題詞

醉扶壽客近酒邊何知世有滄桑風雨天涯燠寒人

境十年顧影情芳自持晚香甚歲華葵麥斜陽費腸
迴舊約束籬義熙牋管幾吟商消得未荒三徑是
襄姿卓傑炤映容光彭澤秋高酈泉花大纔知瘦亦
尋常校餘夢涼彊村以校夢名菴引鏡看詩鬢能蒼辦餐英
駐景年年采山煙路長

金縷曲

以下六首十五歲以前作
依元刻本附末自記

院內秋海棠數株西風紅淚嬌小可憐轉瞬
小春將半寒重於秋娉婷晚翠變爲黃葉蕭
蕭矣流景自傷漫拈此詞

秋也拋人去舊吟邊是花是淚都無尋處還憶碧闌

幽夢小月底，瞢騰香霧拌寂寞。和煙和露未解飄零。
無限意，恰西風已覺思量苦。如我瘦，最憐汝。而今
更是淒無語。誤芳期，脂痕鬢影，暗傷遲暮。不爲此時
顚顚損，只爲前時媚態爭併作。一時情緒，翠袖不堪
重倚。竹正愁人，何止飄紅雨。休爲我，唱金縷。

花發沁園春

小春見梅

薄暖輕寒去，春還遠。綺窗又見春色，纖紅吐秀，小碧
銜妍。略約去年風格，年時記得，花落後、時時相憶。恰
開也，又說花枝，撩人春恨如織。問訊瑤臺咫尺，算

詞十
何郎韶顏一見還識簾深貯豔檻曲移香何處好春
消息花前小立應勝似無端尋覓便三點兩點春光
此時多少憐惜

減字浣溪沙

如水清涼沁碧衫一重秋樹一重簾一痕眉月影纖
纖樹隔層煙煙隔月幽情無奈一窗銜玉鉤銀燭
海棠酣

水調歌頭

落花

擁被不聽雨作算一宵晴峭風多事吹送到枕一更

更花落已知不少一半可能留得未問意先驚簾幕
帶煙捲紅紫繡中庭促成陰催結子此時情了他
春事不是風雨妒殘英風雨枉教人怨知否無風無
雨也自要飄零只是一春老無計勸愁鶯

江南好

憐花瘦移向繡闥中掩卻碧紗屏十二曉來依樣有
殘紅不敢怨東風

前調

詠梅

娉婷甚不受點塵侵隨意影斜都入畫自來香好不

須尋人在綺窗深

蕙風詞卷下

受業趙尊嶽校字

吾師臨桂況先生自定詞彙與歸安朱先生詞合編
爲鶯音集者名蕙風琴趣前於丁巳夏秋間仿聚珍
版印行僅二百本未足廣其傳也客歲尊嶽校刻蕙
風詞話斷手亟請並刻自定詞彙屬以行詞凡如干
閱視曩編琴趣增益無多吾師詞可傳者甯止此數
蓋從嚴格矜慎之至也自卷下握金釵迄霜花腴並
辛亥國變後作撫時感事無一字無寄託蓋詞史也
昔人謂蘇文忠才大如海其爲詩無不可賦之題無
不可用之典吾師之於詞亦然晚歲避地滬濱鬻文
爲活滙人士對於吾師無論知與不知咸欲得一詞

自增重於是乎吾師之詞之題乃至陸離光怪匪夷
所思求之前人集中殆未曾有而其詞益妥帖易施
題不足爲詞病而皆爲自定詞所不取其它驚才絕
艷之作蚤歲克副盛名中年用自排遣者吾師之所
吐棄它人得其一二以之收名定價而有餘則夫自
定詞之風流自賞寸心千古豈偶然哉並世承學之
彥受而讀之於格調旨趣氣息閒深闕其得力之故
由門徑而塗轍而堂奧一一與詞話相印證而歧趨
與時習末由而中之則庶幾蘭畹金荃去人不遠矣
乙丑閏四月下沐受業武進趙尊嶽謹跋